

Служба обща мученице единой

Вечера,

на Господи возвах, стихирь, глас 4.

Подобен: Яко дбля:

Девства добротами / и мучений кровью, / душу твою украсивши
мученице славная, имярек, / вручилась еси Создавшему, / сохраняющему ты
нетленну во век истинно, / о сем ликовствующи с воинствы архангел и ангел,
/ апостол же и пророк, / и мученик ликостоянии всехвальная.

И к колесам привязана, / и зверью растерзана, / и огнем и водою
обостривши / твой помысл Божественным духом, / тьмы начальника, /
течении кровными мужески удавила еси, / и востекла еси к разумным
чертогом, / вено Жениху твоему дево принеши страдание.

Жениха Христа кровию / освятившись прехвальная, / твоею кровию
украсила еси плотскую одежду. / Темже обоюду просвещшись
прехвальная, имярек, / светлаго сподобилась еси чертога Его: / Егоже моли,
/ от тли и бед избавитися, / верою творящим всечестную память твою.

Слава, и ныне, Богородичен:

Яко молитву неусыпающую, и мольбу пребывающую, имущи Пречистая
ко Господу, напасти успи, и волны укроти окаянныя моея души, и в скорби
сущее сердце мое утеши Отроковице, молю Тя, и облагодати ум мой, яко да
достойно Тя прославлю.

Крестобогородичен: Агнца и Пастыря Тя на древе яко виде Агница,
рождшая рыдаше, и матерски Тебе вещаше: Сыне возжеленне, како на древе
крестнем повешен еси Долготерпеливе? како руке и ноге Твои, Слове,
пригвоздишася от беззаконных, и Кровь Твою излил еси Владыко?

Аще иматъ самогласен, Слава, глас 6.

Одесную Спаса предста дева, и страстотерпица и мученица, имярек,
одеяна добродетельми, непобеждена, и преукрашена елеем чистоты, и
кровию страдания, и вопиющи к Немю радостно, свещу держащи: в воню
мира Твоего текох, Христэ Бже, яко уязвихся Твоею любовью аз, не отлучи
мене, Женише небесный. Тоя молитвами низпосли нам, Всесильне Спасе,
милости Твоя.

И ныне, Богородичен:

Никтоже притекаяй к Тебе, посрамлен от Тебе исходит Пречистая
Богородице Дево: но просит благодати, и приемлет дарование к полезному
прошению.

Крестобогородичен: Пречистая, яко виде Тя на Кресте висяща,
рыдающи вопияше матерски: Сыне Мой и Бже Мой, сладкое Моё Чадо, како
терпиши страсть поносную?

[зрѣ] Аще прѣзднуеши с полиелеем, глаголи Богородичен воскресный: Кто тебе не ублажит:

Вход. Прокимен дне.

Чтения мученическая. [Писана в концѣ книги сея].

На стиховне стихиры, глас 4:

Подобен: Яко дбля:

Мучительскому шатанію / и наглому суровствѣ, / помыслом супротивльшися мужемудренно, / будущих предвидящи наслаждение Богомудренная, / пребывающее присно во веки неподвжимо: / еже и получила еси, / от земли преставльшися к чертогом небесным, / и лику неразоримому, славная.

Стих: Дивен Бог бо святых своих, Бог Израилев.

Царствия благолепие, / и доброту красную видети сподобилася еси / Жениха твоего Христа / украшена ранами твердаго твоего страдания, / и источнику благих, / достойно приближилася еси. / Отонуду же Божественного веселия плод / богато прияла еси блаженная, / и бессмертную славу.

Стих: В церквах благословите Бога, Господа от источник Израилевых.

Ни иго работное, / ни слабость женская, / ни глад, ни раны запяша ти / мученичестей твердости уподобитися всеславная, / усердием души муки претерпела еси. / Отонуду же получила еси небесный чертог, / и венцем благодати украсилася еси, / предстоящи Зиждителю Твоему.

Слава, глас 5:

Девства твоего красоты восхотѣ Царь славы Христос, яко непорочну тя невесту Себе обручи, совокуплением нетленным: ибо волею Своею подав добротѣ твоей силу, на враги же и страсти непобедиму показав, претерпевшую раны горькия, и муки свирепыя, сугубым венцем увязе тя, и постави одесную Себе яко Царицу испещрену. Того моли мученице честная и многострадальная, имярек, певцем твоим спасение и жизнь подати, и велию милость.

И ныне, Богородичен:

Блажим Тя, Богородице Дево, и славим Тя вернии по долгу, град непоколебимый, стѣну неборимую, твердую предстательницу, и прибежище душ наших.

Крестобогородичен: Зрящи древле Агнца своего, Дева и Всеблаженная Отроковица на Крест воздвжжена, вопияше слезящи: увы Мне, Сыне Мой, како умираеши, Бог сый естеством безсмертен?

Тропарь во уставе.

Аще ли несть устава, глаголи сей тропарь, глас 4:

Агница твоя Иисусе, имярек, зовёт велиим гласом: Тебе Женише мой люблю, и Тебе ищущи страдальчеству и сраспинаюся, и спогребаяюся крещению Твоему, и стражду Тебе ради, яко да Царствую в Тебе, и умираю за Тя, да и живу с Тобю: но яко жертву непорочную прими мя с любовью пожержуюся Тебе, тоя молитвами, яко милостив, спаси души наша.

Слава, и ныне, Богородичен, или Крестобогородичен.

На утрени,

на Бог Господь, тропарь тойже.

По 1-й кафисме седален, глас 5.

Подобен: Собезначальное:

Благочестно поработившия Вседержителю, злочестивому же мучителю не поработилася еси честная, но претерпела еси твердо темное заключение, и ран разжение, и преставилася еси к Богу, Богомудрая мученице, имярек, молись о нас совершающих память твою. [Дважды.]

Слава, и ныне, Богородичен:

Теплая предстательнице и непобедимая, упование известное и непостыдное, стено и покрове и пристанище прибегающих к тебе Приснодево чистая, Сына Твоего и Бога моли со ангелы умирение дати миру, и спасение, и велию милость.

По 2-й кафисме седален, глас 1.

Подобен: Гроб твой:

Мучений огонь, духа росю погасила еси честная, и к свету преставилася еси Божественному и невещественному, и по кончине блаженной источаеши исцелений капли, имярек, уставляючи разжение страстей, силою духовною. [Дважды.]

Слава, и ныне, Богородичен:

Молитвы Твоих раб прими Богородице, и избави нас от всякия беды, яко рождающая Христа Спаса, избавителя душ наших.

По Хвалите имя Господне:

Припев:

Величаем ты страстотерпице Христова, имярек, и чтем честное страдание твое, еже за Христа претерпела еси.

Псалом избранный: Бог нам прибежище и сила:

По полиелѣи, седален, глас 4:

Подобен: Вознесыйся на крест:

Пришедшую Христу волею, и украсившую добродетельми сердце, благолепно воспойм, имярек, верных множество: та бо посрамил

мучительскую дерзость, и просиявши яко солнце посреде беззаконник, по кончине явися земным подтверждение Божественное, вкупе и держава. [Дважды.]

Слава, и ныне, Богородичен:

От ангела слово приемши во утробе Твоей, и рождши воплощенна Бoga Еммануила, Богородице, моли о душах наших.

Степенна, 1-й антифон, 4-го гласа.

Прокимен: Дивен Бог во святых Своих, Бог Израилев.

Стих: В церквах благословите Boga, Господа от источник Израилевых.

Всякое дыхание:

Евангелие мученице, [писано в конце книги сей.]

По 50-м псалме стихира, глас 6, на Господи воззвах, Славник.

Канон, глас 8.

Песнь 1.

Ирмос: Поим Господеви, проведшему люди Своя сквозе Чермное море, яко Един славне прославися.

Влечет к песнопению премирных воинства, и земных лики, всехвальная отроковица, чудесы.

Доброты возжелав Владыка всех, краснейшаго твоего сердца всехвальная, небесных чертогов сподоби тя.

На казни и болезни, и на раны многообразныя, не утрашена, мученице, вместилася еси: поспешающую бо имаши благодать Спасову, возмогающую тя.

Богородичен: Пречистая Богородице, воплощенно Присносущное и Пребожественное Слово паче естества рождшую, поем Тя.

Песнь 3.

Ирмос: Ты еси утверждение притекающих к Тебе, Господи, Ты еси свет омраченных и поет Тя дух мой.

Явилася еси на судищи мужественну душу носящи, и врага якоже немужественна победила еси всехвальная.

Порок в доброте твоей, ниже враска души бысть: и ты Христос невесту в нетленные чертоги прият.

Исцели всехвальная души моея струпы, мученице Христова, имярек, и утиши твоими молитвами жизни моея бурю.

Богородичен: Ты вси стяжанием прибежище, и стену нашу христиане, и Ты славословим немолчно Безневестная.

Седален, глас 8.

Подобен: Премудрости:

Кровей твоих струями мученице Христова, потоп нечестивым присно действуеши, всехвальная: тучами же благодати словесныя нивы напаяющи всегда, в нихже возвращаеши клас веры, тем преславно и по смерти явилася еси облак, источающи жизни свидетельство, страстотерпице всехвальная, имярек, молися Христу Богу согрешений оставление даровати, чтущым любовь святую память твою.

Слава, и ныне, Богородичен:

Яко Деву и едину в женах, Тя безсеменно рождшую Бога плотию, вси ублажаем роди человечести: огнь бо вселися в Тя Божества, и яко Младенца дойши Зиждителя и Господа. Тем ангельский собор, и человеческий род, достойно славим пресвятобе рождество Твое, и согласно вопием ти: моли Христа Бога, прегрешений оставление даровати, достойно поющим славу Твою.

Крестобогородичен: Агнца и Пастыря и избавителя, Агница зрящи на Кресте, восклицаше плачущи, и горько рыдаючи вопияше: мир убо радуется, приемляй Тобю избавление: утроба же моя горит, зрящи Твое распятие, еже терпиши за милосердие милости, долготерпеливе Господи, милости бездно, и источниче неисчерпаемый, умилосердися, и даруй прегрешений оставление, верою поющим Божественныя страсти Твоя.

Песнь 4.

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Нескверное зеркало Божественных разумений тебе самую устроивши, яко светильник златолепотнейший страдалиц посреде, мученице, возсияла еси.

Мрачному не принесла еси демону жертвы, непобедимая мученице, имярек: жизноточную бо возлюбила еси за благочестие смерть прияти.

Яко неболезненно носящи со страстоточсы тело непорочная, ранами нечувственна пребыла еси, Божественныя любве рачением.

Богородичен: Очищение нам даруй неведений яко безгрешен, и умири мир Твой, Боже, молитвам рождшия Тя.

Песнь 5.

Ирмос: Утренююще вопием Ти, Господи, спаси ны: Ты бо еси Бог наш, разве Тебе иного не ведем.

Дне и мира противоположное увидевши ратолубнаго демона любити не восхотела еси.

Мнев твою ослабити Божественную мученице, имярек любовь, смех явися, козньми вселукавый.

Подаждь ми просвещение и мир всехвальная, решащи молитвами твоими многомятежное смущение.

Богородичен: Деву по рождестве поем Тя, Богородице, Ты бо Бога Слова плотию миру породила еси.

Песнь 6.

Ирмос: Ри́зу мне подаждь светлу, оде́йся светом яко ри́зою, многоми́лостиве, Христе́ Бо́же наш.

Му́жественное в же́нстей плоти́ души́ мудрова́ние носящи сла́вная, о зве́рех су́щих в вода́х неради́ла еси́.

Победи́ла еси́ мучи́телей горди́ню, невреждена́ пребыла́ еси́ мученице непобеди́мая, и вене́ц победы́ прия́ла еси́.

Яко добу́, и яко красну́, яко че́стну, и яко де́вства заря́ми сия́ющую, тебе́ Же́них Госпо́дь себе́ приво́дит пресла́вная.

Богородичен: Еди́на сло́вом плоти́ю Сло́во поро́ждшая, изба́ви мо́лимся, се́тей вра́жиих ду́шы на́ша.

Конда́к во уста́ве.

А́ще ли не́сть уста́ва, глаго́ли се́й конда́к, глас 2:

Подобен: Вы́шних ищя́:

Хра́м тво́й всечестны́й, яко цельбу́ душе́вную обрети́ши все́и ве́рнии, велегласно́ вопие́м ти́ де́во мученице, и́мярек, великоименита́я: Христа́ Бо́га моли́ непреста́нно о все́х нас.

Икос: Уневести́вшуюся Христу́ муче́нием, и́мярек, соше́дшеся почти́м досто́йно: яко да то́я моли́твами, душе́тленны́я па́губы изба́вльшеся, губи́тельства, тру́са и паде́жа, жити́е во смире́ние препрово́дим, сподо́бльшеся со все́ми святы́ми, от ве́ка Бо́гу благоугоди́вшими, ходи́ти во све́те, и пе́ти с си́ми: удиви́л еси́, Спа́се, Тво́я ми́лости все́м челове́ком, ве́рою хва́лящим ю́. Те́мже зове́м ей: моли́ непреста́нно о все́х нас.

Песнь 7.

Ирмос: От Иуде́и доше́дше о́троцы, в Вавило́не иногда́, ве́рою Трои́ческою пла́мень пе́щный попра́ша, пою́ще: отце́в Бо́же благослове́н еси́.

Па́че ума́ яви́шася Боже́ственных мучеников благому́жества: зижди́тель бо все́х, тва́рь покаря́ет во страда́нии зову́щим: отце́в на́ших Бо́же, благослове́н еси́.

Ху́лящая заградí преслову́щая отрокови́ца уста́ мучи́телей, и горди́ню пребеззако́нных ду́хом святы́м Боже́ственно воспева́ющи: отце́в на́ших Бо́же, благослове́н еси́.

Трои́ца о́трок преподо́бных, разже́гшы́я пе́щь дре́вле попали́: ны́не же Богому́драя Трои́цу пою́щи слуги́ улови́, отце́в Бо́га пою́щия: Бо́же,

благословѣн еси.

Богорѡдичен: Наше спасѣние якоже восхотѣл еси, Спасе, устроити, во утрѡбу Дѣвы вселѣлся еси, юже мѣру предстательницу показал еси: отцев наших Бѡже, благословѣн еси.

Пѣснь 8.

Ирмос: Царя Небѣснаго, Егѡже поют вои ангельстии, хвалите и превозносите во вся вѣки.

Блаженнейшая в женах, вышняго возмездную имущи благодать, пояше хвалящи Христа во вѣки вся.

Укреплена помыслом невестника, невещественным рачением, тело предала еси на смерть, и живѣши во вѣки вся.

Тайно Жених ко пречистей невесте в пещь пришед духовною росю Отчим благоволением спасл ест, поющу Христа во вѣки.

Богорѡдичен: Помощи яже от Тебѣ требующыя не презри Дѣво, поющыя и превозносящыя Тя во вѣки.

Пѣснь 9.

Ирмос: Тя неискособрачную Матерь Бѡга вышняго, Тя паче умарѡждшую словом войстинну Бѡга, вышшую пречистых сил, немолчными славословѣнии величаем.

Течение живыя крове знамение нетленныя свѣше дарованныя тебѣ жизни, мученице всехвальная: целений бо сокровище непрестанное черплющим явилася еси.

Коснѣся тебѣ смерть естества законом Богомудрая: в живонѡсную же мертвость нестрастно облеклася еси, еуже яко одушевленное твое тело положши всечестноѣ, живѣши нетленно, и свидѣтельствуют твоя кровотечения.

Яко солнечную лучу озаряющую вся, и яко невесту Христову предѡбру, яко горлицу чистолюбивую, и яко маслину, яко кедр, яко сущую избранную голубицу, хвалим тя вси, имярек, Богоименитая.

Богорѡдичен: Невѣсто неискособрачная, сосуде благовѡния, Тя яко истинную и непорѡчную, и Божѣственнаго ѡблак свѣта, приѣмшую небѣсный дождь во утрѡбе, Дѣво Мати, величаем.

Светѣлен.

Яко невеста украсилася еси добрѡтою, обручившися Жених страстми добротворными: внутрь же чертога световидна, яко избранная вселѣлася еси, носящи свещу Дѣвческую, и ныне царствуеши с живущим во вѣки, имярек, сияюща.

Богорѡдичен: Тя заступлѣние вси мамы грѣшнии, о пречистая Дѣво! Ты благоувѣтлива нам сотвори Сына Твоего матерними Твоими молитвами.

На хвалітех стихіры самогласны, глас 3:

Страдальческое торжество вѣрнии, Богомудренне совершаемо видяще, чудному в советех Бѳгу нашему, благодарственное песнопѣние воспойм: невидимую бо державу противныя силы в жѣнстем естестве победѣ, и Божественную свою силу в немощи совершив добромученицы: тоя молитвами спасает души наша. [Дважды.]

Истины чашу от своих кровей страдальческих, всехвальная мученица Христова, имярек, растворивши, и сию всегда предлагаючи церкви, в нейже церковныя питомцы мудрости гласом созывает, глаголющи: почерпите пиво, воскресения свидетельное, неверных прогонительное и страстей очистительное, благочестивым же душам хранительно, Спасу зовуще: напоивый нас потоком сладости Духа, спаси души наша.

Иже кровию Христовою души запечатавше в день избавления, кровь святую от мученическаго источника востекающую нам, с веселием духовным пророчески почерпем, животочных страстей Спасовых, и присносущныя славы образовательну. Темже Ему возопийм: прославляйся во святых Твоих, Господи, преславныя Твоея страсотерпицы молитвами спаси души наша.

Слава, глас 6:

Страдальческим шествовавши путем, мучительскаго избежала еси совета, имярек, всечестная: яко дева, убо мудра, свещу носящи вошла еси во дворы Господа твоего: яко мученица мужеством, благодать прияла еси исцелити плотския страсти, но и нас воспевающих тя, душевных болезней избави, яже к Бѳгу мольбами твоими.

И ныне, Богородичен:

Бѳга из Тебѣ воплотившагося разумехом Богородице Дѣво: Того моли о спасении душ наших.

Крестобогородичен: Всечыстая, яко виде Тебѣ на Крестѣ повѣшена, плачущи вопияше матерски: Сыне Мой и Бѳже Мой, Сладчайшее Моѣ Чадо, како терпиши страсть поносную?

Аще иматъ Славу на стихѳвне, глаголи вечерний:

И ныне, Богородичен, или Крестобогородичен.